

Pastikan dulu punca sebelum pulih

Masalah pencemaran Sungai Klang perlu dikenal pasti dari mana permulaannya

■ SYAIRI SHAARI & SITI AISAH HABIRIN

SHAH ALAM - Punca pencemaran Sungai Klang perlu dikenal pasti terlebih dahulu sebelum tindakan pemuliharaan dilakukan.

Timbalan Presiden Persatuan Pencinta Alam Malaysia (MNS), Profesor Dr Ahmad Ismail berkata, punca dari mana datangnya sumber air Sungai Klang ini juga perlu dipastikan terutama di kawasan hulu sungai agar tidak dicemari dengan aktiviti yang boleh memusnahkan ekosistem semula jadi sedia ada.

"Dengan mengenal pasti perkara ini, pencemaran dapat dielakkan seperti pembawaan lumpur dan tanah yang mungkin datang dari kesan aktiviti dan rekreasi," katanya kepada Sinar Harian, semalam.

Dalam pada itu katanya, kesedaran masyarakat terutama penduduk setinggan di sekitar Lembah Klang terhadap kebersihan adalah penting terutama yang tinggal di persisiran



Laporan Sinar Harian, semalam.

sungai agar tidak berterusan melakukan pencemaran.

Menurutnya, walaupun kerajaan dan media cuba memberi kesedaran kepada masyarakat, kempen yang dilakukan tidak berterusan yang akhirnya lama-kelamaan kesedaran itu semakin hilang.



Antara aktiviti MNS dalam Program Water for Life dengan kerjasama Petronas Dagangan Berhad bersama Penduduk Kampung Ulu Geroh, Gopeng pada 12 Disember lalu.

"Salah satu faktor dan punca berlakunya pencemaran sungai adalah disebabkan kehadiran warga asing yang membawa budaya mereka dan tiada kesedaran sivik terhadap isu alam sekitar seperti pembuangan sampah," katanya.

Selain itu, aktiviti pertanian

di dalam rizab sungai turut menyumbang pencemaran Sungai Klang di mana jelas melanggar undang-undang Jabatan Pengairan dan Saliran (JPS).

Justeru itu katanya, kerjasama padu daripada pihak-pihak berkaitan perlu dalam membantu JPS me-

nanagi isu pencemaran sungai di Lembah Kelang.

Dalam perkembangan berkaitan, kata Dr Ahmad, MNS sedia memberi khidmat berkaitan pendidikan dan kesedaran kepada masyarakat khususnya pencemaran Sungai Klang.

Menurutnya, pihaknya mengalu-alukan mana-mana pihak yang ingin bekerjasama dengan MNS dalam usaha mendidik masyarakat berhubung kesedaran alam sekitar.

"Kempen berterusan dalam pendidikan seperti penglibatan sekolah dan kajian menerusi institut pengajian tinggi berkaitan alam sekitar perlu dilakukan secara berkala agar masyarakat terus prihatin.

"MNS sentiasa peka dan ingin membantu memberi kesedaran kepada masyarakat tetapi dalam pada masa yang sama, MNS memerlukan sokongan kewangan agar kempen ini dapat dihebahkan kepada umum," katanya.